



Universitätsbibliothek Paderborn

**Spes & Fiducia, Cvrис Ivdiciisqve Dei, Erga Homines In Hac
Vita Existentes, Firmata**

Stengel, Georg

[S.I.], 1645

§. 8. Amphilochij simplicissimi profunda & audax sapientia.

[urn:nbn:de:hbz:466:1-49823](https://nbn-resolving.de/urn:nbn:de:hbz:466:1-49823)

304 Cap. XIII. Etiam per simplicissimos

instruxit, vt Mundi sapientiam confundet; doceretque, nullum pusillum, nullum quantumvis simplicē esse contemnendum. Sic exaltatur à DEO humilitas, sic sublimitas humiliatur.

§. VIII.

Amphilochij simplicissimi profunda &
audax sapientia.

Niceph.
Callist.
I. II. hist.
Eccles. c.
9. Sozom.
lib. 7. c. 6.
Theodor.
15. c. 16.
Trip. c. 35.

Nicephorus, Sozomenus aliq; com
ites testantur, fuisse Iconij senem
Episcopum Amphilochium dictum, anti
quæ simplicitatis hominem, qui Theodosi
um Magnum Imperatorem ausus est adire,
eique libellum supplicem dare, quo Theo
dosius monebatur, vt impios Arianorum
conuentus, ex vrbibus prosciberet. Neq;
enim minus nocere infectione hæreticos
censebat, quam pestilentia correptos, qui
Iuem, etiam, in maximè cautos, propagant.
Imperatori durior ea inhumaniorque peti
tio videbatur, vt qui clementia atq; bene
violentia capiendos Arianos putaret, im
prudentemq; Episci zelum in alia tempo
ra quietiora differendū arbitraretur. Quid
ibi fecit sapientissima Amphilochij simili
tatis? quibus machinis porro quatere Im
peratoris animum instruit? Est tempus, cum
filendo

filendo plus efficimus, quam loquendo. Igitur quam sincerâ ingenuitate petitionem suam explicauit, tam prudenti patientia repulsam passus tacuit. Existimauerat Imperator, homini aquam hæsisse, nec iam argumenta solùm, verùm etiam verba deesse. Erras, erras, ô Imperator, non est stultitiæ signum, posse, tacere. Garrulorum sermo, vti vilis, ita & excors est. Solus ille verè sapit, qui habet lin-
guam in potestate. *Qui moderatur sermones* Pro. 17.
suos, doctus & prudens est: & preciosi spiritus
vir eruditus. Hinc, stultus quoque si tacuerit,
sapiens reputabitur: & si compressoriter labia sua,
intelligens.

Amphilochius igitur, tanquam elinguat-
tus, abijt; sed silens consilium coxit, toti Ec-
clesiæ profuturum. Paulo enim post faci-
nus dignum memoria fecit; & vtique alijs
quoque imitandum, si mortales tam facile
pro Christi gloria, quam pro Principum ob-
lectatiunculis, stulti sustinerent reputari.
Quippe occasionem captauit, vt, cum alijs
Præsulibus in aulam venientibus, & ipse ve-
niret. Ibi, vti mos, & parcerat, cum alijs
Episcopis Imperatorem quam decentissime
consalutauit. Resta inde ad filium ipsius,

V qui

306 *Cap. XIII. Etiam per simplicissimos*

qui admodum nuper ad Imperium lectus fuerat, digressus, eum impolite atq; inurbanè gestuque subrustico tractare coepit. Neque enim eadem illi, quæ patri eius, obseruantia honorisque signa exhibuit; sed tanquam si de vulgo, aut coloni terræne filius esset, ita cum eo, quasi cum puer colloquens, manuque eum, contra omnes leges aulicas, demulcens: *Saule & tu, ô puer, inquiebat.* Hæc cum videret Theodosius, senem Amphilochium ætate desipere existimabat, & utique rudiore animo, rusticum, non aulicum, in aula, agere cogitabat. Itaque simplicitatem hominis instruendam censuit, docuitque, quibus cærimonij filius esset sanitandus. Iterum erras, ô Imperator, non tu illum, ille te docebit: tui, non illius mores, sunt culpandi.

Audijt igitur Amphilochius Imperatorem, instructionemq; illius, leui risu, refutans, quasi per contumaciam, respondit: sufficere filio eius iam exhibitum à se honorem. Hoc dicto Theodosius ira percitus, & non secus, ac si filius atroci iniuria affectus esset, grauiter commotus, Episcopum delirantem, cum conuicio, abduci jussit. Cithara ut sonet, percutienda est: idem huic Epis-

cop

cōpo accidit. Tangebatur iam & satellitum
manu ignominiosē foras protrudebatur,
cum renidente ac sereno ore conuersus,
consiliūmque in animo occultatum sonan-
tissima voce proferens: *Videsne, ô Impera-*
tor, inquietabat, quām tu indignè illatam filio
tuo injuriam feras? Vides, quām vehementer
& incensē, ob compellationem minus urbanam
decentēmq̄ue, in me, exardescas? Sic scilicet
existimare te oportuit, succensere etiam cœle-
stem Imperatorem, & Patrem Vnigeniti, pro-
pter eos, qui non communem illi tribunt hono-
rem, sed dissimilem & longè minorem Patre
vocare audent.

Hic vidisses, quid diuina possint. Etenim Imperator, cum inde rem actam intelligeret, & verba illa confidentissimē aptissimē que prolata admiraretur, velut fulmine ictus, ita quām primūm sacerdotem Dei ad se accersiuit, atque ad pedes eius accidit veniam petens, publicaque voce professus est, non Episcopum, sed se simplicem fuisse atq; ignorantem; neque aliter, quām ipse dixisset, se rem habere. Igitur in ea sententia confirmatus, postea eos, qui aliter, quām Nicææ statutum fuerat, opinarentur, extremē auersatus est. Contentiones in foro, & inane-

308 Cap. XIII. Etiam per simplicissimos

conuentus inhibuit ; disputationibus , de
Deo & natura eius , finem omnino impo-
suit, & constitutione publicè proposita, pe-
riculum , qui ei non parerent, denunciauit,
pœnâsque , contra hoc edictum acturis, se-
uerissimas est comminatus. Ita factum, vt,
Arianis & Eunomianis pulsis , τῷ ὀμοσίᾳ
consubstantialis fidei professores Ecclesias
moderarentur. Ita astutiam simplicitas
supplantauit.

§. IX.

*Quantum esset sape emolumendum ; si, qui
possunt , Principibus auderent verita-
tem ingerere ?*

Liceat saltem mihi, ex hac historia, ali-
quid discere, si alij nolunt. Nempe illud
disco , vt non diffidam simplicitati meæ, sed
quæ ad diuinum honorem ; quæ ad Reli-
gionem orthodoxam, & conseruandam, &
propagandam ; quæ ad justitiam pacis &
belli obtinendam faciunt , & quæ mihi à
bono Genio , immò à bono Deo suggerun-
tur, ea, cum locus, aut tempus jubet, liberè
proferam. Si apud Principum aures, si in-
curia Regum, si in maximis aulis mihi locus
non est ; saltem illis identidem occinam, &
circa illorum aures circumsonabo, qui pro-
ximi